

NAMIBIA SENIOR SECONDARY CERTIFICATE

FIRST LANGUAGE SETSWANA ORDINARY LEVEL

4110/1

PAPER 1 Reading and Directed Writing

2 hours 30 minutes

Marks 70

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

DITAELO LE TSHEDIMOSETSO GO BAITHUTI

- Kwala dikarabo mo Bukaneng e o e neetsweng.
- Kwala Nomore ya Sentera, Nomore ya Gago ya bokwadi le Maina a gago mo Bukaneng e o neetsweng.
- Dirisa pene e pududu jwa loapi kgotsa e ntsho.
- O kopiwa gore o seka wa di phimolang fa o fositse.
- Araba dipotso **tsotlhe** ka botlalo.
- Tlhokomela mopeleto o o fosegileng matshwao a puiso, le popego ya dipolelo.
- Maduo a neetswe mo masakaneng [] mo bokhutlong jwa potso nngwe le kgotsa karolo ya potso.

This document consists of **6** printed pages and **2** blank pages.



Republic of Namibia

MINISTRY OF EDUCATION, ARTS AND CULTURE

KAROLO YA A

Buisa tema e e latelang mme morago o arabe dipotso.

Tema 1

Mongwe wa moatleletiki yo o rotloetsang wa Aferika Borwa

Natalie du Toit o ne a na le botswerere jwa tlhologo gape o ne a lora go tsaya karolo mo kgaisano ya motshameko ya Olympics go tloga bonyenyaneng a sa le mosetsana. O simolotse go nna naletsana ya atleletiki kwa tshimologong ya 1988, fa a emetse Aferika Borwa kwa metshamekong ya Kgweranaditshaba a le dingwaga di le lesome le bone (14).

Morago ga dingwaga di le tharo go bonala fa ditiro tsa ga Natalie di batla go senyega fa a kgaolwa leoto go tswa fa lengoleng morago ga kgobalo e e masisi e o neng a e bona mo kotsing. Kotsi e ne ya batla go nyeletsa dikeletso tsa gagwe. Le fa a ne a robetse mo kokelong, mosetsana yo o di dingwaga di le lesome le bosupa (17) o ne a pala go latlhegelwa ke ditiro tsa gagwe.

“Batsadi ba me le ditsala dingwe ba tswelela ba mo rotloetsa gore a ikatise ka ditshipi tsa bolao ka metshameko ya di Olympics e ne e tla,” a gakologelwa.

A nna le maikutlo a a tlhomameng a thotloetso. Du Toit o ne a gana go letlelela bogole go mo kgoreletsa mo maanong a gagwe. “Ke santse ke gakologelwa gore go sapiwa/thuma jang. Mme go ne go makatsa go dira semenogane ka leoto le le lengwe.” Natalie o a gakologelwa. “Ke ne ka boela, mme ka nna mo moleng o o simololang go taboga go taboga le bana ba ba botlana, mme a gopola jaaka a ne a le mmotlana a fenywa ba bagolo. Jaanong ke mogolo ba ba botlana ba mphenya. O ne a batla go ikgodisa go nna mo moleng o o bonako gape.” Jaanong ke fitlheletse maikaelelo a me. Morago ga go fetsa dikgwedi di se kae mo ikatisong o ne a boela gape mo dikgaisanong. E rile fa ba thuma dimetara tse 10 000 ba le 24 ka palo ene a tswa wa bo 16 a boela Aferika Borwa a kgobegile marapo.

O ne a tsamaya go ya go tsenelela makgaola kgang a dimetara di le 800 kwa metshamekong ya Kgweranaditshaba ya 2002. E ne e le lwa ntlha go diragala gore digole di taboge makgaola kgang a botshabatshaba a go thuma. Kwa bofelong jwa motshameko o ne a newa sekgele sa phenyo sa ntlha sa ga David Dixon wa moatleletiki yo o tlotlomaditsweng mo metshamekong.

Ka ngwaga wa 2004 morago ga dingwaga tse tharo tsa kotsi, o ne a gapa dimetale tsa gauta kwa dikgaisanong tsa digole kwa Greece. Kwa bofelong a lemoga maikaelelo a gagwe ka ngwaga wa 2008 kwa Beijing. Fa a ne a dira hisetori ya go nna segole sa ntlha sa mosetsana sa go thuma le go ya go tsenelela motshameko wa Olympic wa digole. “Go letlelelwa go tsaya karolo mo Motshamekong wa di Olympic e ne e le nako e o ka lelang ka yone e ka re o palama thaba ya Mount Everest”, e e leng thaba e e kwa godimodimo mo lefatsheng ka bophara ga bua Du Toit.

“A ikutlwa jaaka o ka re ke bokhutlo jwa lefatshe” a oketsa.

Diphitlhelelo tse di motlotlo tsa ga Natalie di mo supile e le morotloetsi yo o nang le boleng mo Aferika Borwa le mafatshe a sele. Morago ga batho botlhe motho wa ntlha go lemoga namane e tona ya tiro e a e dirileng e ne e le Tautona ya ntlha ya Aferika Borwa Nelson Mandela, fa motlhatlhami wa gagwe Thabo Mbeki o ne a mo tlotlomatsa go rotloetsa setshaba. Mothumi wa metsi o ile a itsewe tota kwa sekgeleng sa phenyo tsa Laureus go dira maatlametlo le go tlala ka diatla magareng ga motshameko wa batho ba ba sa itekanelang sentle le bogole.

Ka nako ya fa Du Toit a ne a ipaakanyetsa motshameko wa 2012 kwa London, fa a ne a re o ya go tsaya karolo ga bofelo mo seemong seo sa lefatshe. Le fa a ne a ka ipaakanyetsa go tlogela, o ne a sa felelwe ke keletso ya go tswela. O ne a ipaakanyetsa lobelo le lengwe go ka amogelwa le go batla go fenya metabogo e yotlhe e supa ka mo tabogong wa digole gore a tswe e le “mogaka wa bagaka.”

Fa a sa ikatise, Natalie o ne a rata go dirisa nako ya gagwe mo diporojekeng tsa thuto, a tsaya karolo mo go ntsheng mogopolo wa go ngotla ditiragalo tsa go nwela ga morafe wa Aferika Borwa o o sa itseng go thuma.

“Ke lemogile fa go le botlhokwa go abalana kitso, ke sengwe se ke tla tsamaya ka sone botshelo jwa me jotlhe go bona dithumi tse dipotlana e le balaedi ba ba lekaneng go ruta gore go thumiwa jang” ga bua Du Toit. Ke ka moo go leng botlhokwa mo bathong go ba neela melaetsa le go e dirisa letsatsi le letsatsi.

Kwa bofelong o ile a nna segole sa Aferika Borwa se se atlegileng ka dinako tsotlhe le sekai se se botlhokwa mo ditiragalong tsa motshameko.

(Cook M.J)

- 1 Tlhopa karabo e e nepagetseng mo go **A, B, C** le **D**. **Mo potsong A - C. Sekai: (a) A.**
- (a) Kwa tshimologong go bonagetse jaaka o ka re Natalie a ka se fitlhelele ditiro tsa gagwe tsa di Olympic ka gore ...
- A** o ne a godile go ka tsenela di Olympic.
- B** o ne a na le dikgobalo tse di masisi thata.
- C** o ne a sa ikatise go ikgotsofatsa.
- D** o ne a sa rotloediwe ke batsadi ba gagwe. [1]
- (b) Ke ka ntlha ya eng ngwaga wa 2008 o le botlhokwa mo go Natalie?
- A** O fitlhelela makgaola -kgang a motshameko wa digole.
- B** O gapa dimetale tse tlhano kwa dikgaisanong tsa lefatshe ka bophara.
- C** O letlelelwa mo metshamekong ya Kgweranaditshaba.
- D** O ne a letlelelwa go tsenela di Olympic tsa batho ka bogole. [1]
- (c) Maiteko a ga Natalie a go lomaganya metshameko a lemogilwe fa a ne a ...
- A** lalediwa go jela Tautona nala.
- B** kopiwa go tabogela porojeke ya setshaba.
- C** neelwa maemo mo pusong.
- D** neelwa sekgele sa phenyo se mmuso. [1]
- (d) Tlhalosa gore “mogaka wa bagaka” mo temeng e o raya eng. Neela ka dintlha di le **pedi**. [2]
- (e) Ke ka ntlha ya eng Natalie a tshwantsha go letlelelwa mo di Olympics le go palama thaba ya Mount Everest? [1]
- (f) Nopola o be o tlhalose dipolelo tse **pedi** tse mokwadi o di dirisitseng go gatelela maikaelelo a phenyo a ga Natalie. [4]

[10]

- 2** O na le tsala e e neng e le mankge mo go nngwe ya motshameko, mme ka dikgoreletsi dingwe tsa botshelo a akanya go tlogela motshameko oo. Dirisa dintlha le dikakanyo go tswa mo kgannyeng ya ga Natalie. Kwala lokwalo go rotloetsa tsala ya gago go tswela ka talente ya gagwe ya motshameko.

Kwala mafoko a a magareng ga **200 - 250**.

[20]

KAROLO YA B

Buisa tema e e fa tlase ka kelotlhoko gore o tle o kgone go araba dipotso tse di latelang.

Tema 2

Kgolokwana ya letlapa e ntsho e e turang thata

Wilma Rudolf (1940-1994) o ne a tsewa e le mosadi yo bonako thata mo lobelong mo lefatsheng ka bophara mo dingwagweng tsa 1960, le go nna mosadi wa ntlha wa Amerika go fenywa dimetale tse tharo tsa gauta mo lobelong le tse dingwe tse di dirwang mo lobaleng mo di Olympic tsa 1960. E ne e le ngwaga wa ntlha wa di Olympics wa boditšhabatšhaba go bontshiwa mo thelebisheneng, e e neng ya thusa Wilma go nna naletsana ya boditšhaba. Ka ngwaga ya 1960 Rome Olympics o ne a itsege jaaka “kgolokwana ya letlapa e ntsho e e turang thata”.

Wilma o netswe maemo a kwa godimo a go taboga kwa United States. O ne a itsewe e le motho yo o itekanetseng mo lefelong leo, le go tsewa jaaka morarabolodi mo ditshwanelong tsa selegae le ditshwanelo tsa basadi.

Wilma o ne a tshwanelwa ke go fetsa bongwana jwa gagwe jo bo ne bo tletse dikgwetlho. O ne a belegwe a sa tlatsa dikgwedi tsa gagwe tsa botsalo, mme ka tlhophololo e e ne e le teng mo morafeng ka nako eo, Wilma le mmaagwe Blanche ba ne ba busediwa kwa morago mo dikokelong tsa selegae. Balosika ba ne ba kgona fela go duela ngaka ya montsho wa selegae, ka jalo Wilma o ne a okiwa ke mmaagwe le balosika.

Ka bongwana jwa gagwe, Wilma go ne go bonala fa a ne a tshabelelwa ke malwetse ka go tthatlhaganya jaaka masele, dikgegele, go dutla madi mo dinkong, bolwetse jwa mogote, bolwetse jwa thutlwa le botlhoko jwa sehuba. Ka dingwaga tse nne (4) o ne a tshwara ke botlhoko jwa go swa mohama jwa bana jo bo bakwang ke mogare o o simololwang ke bolwetse jwa polio. Le fa a ne a nna botoka mo mogareng oo, o ne a tshwanelwa ke go rwala segagamatsi mo leotong la molema go mo kgontsha go tsamaya.

“Ngaka ya me e ne ya mpolelela gore nka se tihole ke tsamaya gape. Mma a nthaya a re ke tla tsamaya. Ka dumela mma.”

Wilma o ne a nna le balosika ba ba lorato le tlhokomelo e e tseneletseng, mmaagwe o ne a mo isa kokelong e e neng e le dikilometara di le 50 gabedi mo bekeng, mo ngwageng tse pedi a ntse a tsamaya tsela e le nngwe go fitlhela Wilma a tsamaya ka boene a ntshitswe segagamatsi sa leoto. Dingaka di ne tsa ruta Blanche dingwe tsa go itshidila mmele gore a di dirise go thusa Wilma go tsamaya.

Kwa bofelong, fa a le dingwaga di le some pedi (12) Wilma o ne a nonofa sentle thata mo mmeleng a simolola go tsamaya kwa ntle ga thuso epe ya ditshipi. O ne a ikana go baya malwetse a gagwe kwa thoko mme kwa bofelong a fithelela ditoro tsa gagwe tsa go nna moatleletiki. O ne a tsenelela setlhopho sa bolotloa kwa sekolong, mokatise wa atleletiki o ne a lemoga bokgoni jwa gagwe. Ka nako fa a tshwara dingwaga di le lesome le borataro (16) morago ga dingwaga di le nne (4) a se na go fola go swa mohama, e rile ka ngwaga wa 1966 Wilma a bona phatlha ya go taboga mo di Olympic tsa US le metshameko e e dirwang mo lebaleng, mo o ileng a bona metale ya bronze.

Mo di Olympic tsa 1960 Wilma o ne a nna naletsana ya boditšhabatšhaba “o ne a dira hisetori ya mosadi yo o lobelo thata / matsobane”.

Morago ga bokgoni jo a bo dirileng, Wilma o ne a boela gae kwa Tennessee ke fa a fitlhela Molaodi a rulaganya moletlo wa go mo gorotsha mo gae. Wilma o ile a gana go tsenela moletlo wa gagwe a itse fa o ka nna le tlhophololo. Ka go itshupa, sethlopha se ile sa tlotlomatsa Wilma ka go supa motsamao le modiro o e neng e le one wa ntlha wa go lomaganya mediro mo toropong ya bone ya Clarksville. O ile a ya go tsaya karolo mo go itshupeng mo motsemogolo go fitlhelela mola wa tlhophololo o shutisiwa.

Ka ngwaga wa 1962, Wilma o ne a tlogela dikgaisano gotlhelele a boela kwa sekolong go ya go fetsa bachelor's degree mo thutong kwa Yunibesithing ya Tennessee State, kwa o ileng a fenyha madi a go tsena sekole. O ne a dira jaaka morutabana le mokatisi wa go taboga.

“Maikutlo a bokgoni le botswerere a ne a hohoma mo go nna, metala tse tharo tsa gauta tsa Olympic. Ke ne ke itse gore ga go na ope yo o ka di tsayang mo go nna le fa e le ka letsatsi la metlholo.”

“Go botlhokwa mo go nna go dira le bašha. Ke solofela gore ke tla dira setlhophana sa bone bagogi. Ke ne ke ntse ke dumela thata mo go nna gore ntlha e kgolo e e botlhokwa mo botshelong jwa me ke go dira le bašha. E ntse e le toro ya me go simolola mananeo jaaka atleletiki le go godisa thuto.”

Botswerere jwa ga Wilma bo ne jwa tlisa maikutlo a a sa tlwaelegang kwa di Olympic mo basading, bogolo jang mo ditirong tsa lobelo le tse dingwe tsa lebala. O rotloeditse losika lwa basadi mo di atleletiking, jaaka Florence Griffith Joyner ba ba ileng ba kopana le mathatanyana go fitlhelela ditiro tsa bone.

Morago ga loso lwa gagwe ka 1994, ba le bantsi ba ne ba rata thata go tlotla megopolo ya gagwe. Gompiano Motheo wa Motshameko wa Basadi o emetse “Wilma Rudolf Courage Award”. Go basadi ba diatleletiki ba ba nang le thotloetso mo go amogeleng tlhokafalo ya gagwe. Sefikantswe se se lekanang le Wilma se sentle thata se eme fa gare ga toropo ya gagwe ya Clarksville.

“O se ka wa nyatsa maatla a ditiro le thotloetso ya moya wa motho. Re a lekana rotlhe ka mogopolo. Bokgoni ke jwa yo mongwe le yo mongwe mo botshelong.”

(Wikipedia)

- 3 Buisa tema tsoopedi mme o kwale tshwantshanyo fa gare ga Natali Du Toit le Wilma Rudolf o lebeletse dikgwetlho le se ba se fitlheletseng. **[20]**
- 4 Nagana o le Wilma Rudolf o na le buka ya ditiragalo e o kwalang maitemogelo le maikutlo a gago gone. Kwala mo bukeng ya ditiragalo ka ga letsatsi le o senkang o le lebala mo botshelong jwa gago.

Kwala mafoko a magareng ga **200 - 250**. **[20]**

BLANK PAGE

BLANK PAGE